

中華律藏

中華律藏

第四卷

歷代大藏經律部文獻·印度撰述(四)

國家圖書館出版社

根本說一切有部毗奈耶出家事卷第一 (魔綺)

大唐三藏義淨奉 制譯

總攝頌曰

舍利子出家 并外道二人 及驅烏少兒

阿羅漢病女

別攝頌曰

舍利子出家 許受近園法 調伏謂小軍

外道并五種

爾時有占波國王名曰央伽復有隣國摩揭陀王號大蓮華兩境相接並皆人民熾盛豐樂安隱兵馬精強互相攻伐一得一失已歷多年後於異時其央伽王以國充人實追計舊怨即繕甲治兵盛興軍旅誠期誓衆共來誅滅于時邊人先覺馳使報王其王既聞出師禦捍交兵對戰蓮華敗績收軍入城閉關固拒時央伽王志在平尅遣使報曰若也出降爲善如其不者終不相容假使騰空飛羅掩取設令人水沉網牽來乃至登山竄林亦無逃路其蓮華王聞已大懼即告羣臣曰今央伽兵盛嚴使又來國難既深何

方免釋諸臣答王說伽他曰

有王便有國 無王國不存 國破可還與

命殞終難續 國命兩相違 人應善護命

國破還成立 命斷更難期

時諸臣等勸王出降王從其義便自縊頭詣央伽處相與立盟永供輪稅其事既畢遂即放還

爾時菩薩在觀史天宮觀察世界有五事具處將欲下生時六欲諸天辨所應辦於迦維羅衛國閼頭檀家三淨摩耶夫人胎中乃令獲大吉夢見菩薩作白象形降神母胎當此之時大地震動光明晃耀映奪金色周遍世界過日月輪乃至上極三十三天朗然洞徹一切幽暗無不皆除設使日月威光先所遺漏不自分辨長處晦冥一遇神光普皆相見然聖人示相非世間所知于時有四大國王第一王舍城有大蓮華王第二室羅伐城有摩羅大王第三耶舍尼城奢多彌大王第四憍奢彌城阿難多泥彌大王此之四王當菩薩降生之日各於內宮俱誕太子其大蓮華王以誕子遇光便謂子瑞作是念言我子威德如

日出時我子威光能照世界以其光影殊勝用表休
祥因遂名為影勝太子

時摩羅大王亦同彼王以彼光明而為子瑞便作是
言我今此子初生休徵殊勝光明遍滿國界清夷宜
可表德立名因遂名為勝軍太子

時奢多彌王亦同彼王將為子瑞而作是言我子有
德出現光明宜可立名表彰休祥因遂名為出光太
子

時阿難多泥彌王亦同彼王以為子瑞而作是言我
子誕生如日初出揚光破暗光輝轉昇用表嘉祥因
遂名為日初太子

爾時四國王等各為子標瑞立名咸悉不知並是
釋迦菩薩大威神力之所顯現然諸王子並久積勝
因有大願力各將眷屬隨聖來生所以影勝應期亦
是異人間出遂使初生之日五百大臣皆生一子隨
其族姓而為立名其影勝太子置八乳母而保養之
日就月將如蓮華出水其所習學經書技藝曆數等
計及一切利利灌頂王法無所不解更復留心工巧

之處及調象馭馬乘車等法彎弓走箭搭索之方擊
劍治瘡衆術皆盡四種明處貫練無遺并五百大臣
之子亦悉通達後於異時太子監國因於暇日乘象
遊行乃見人間徵餼賦稅便問從者此輩何故有所
徵求答曰彼是隣國央伽王使遠來收索太子問曰
我國何故輸稅與他答曰久來若此是時太子即召
使人問曰彼國是利利灌頂王我國亦是利利灌頂
王統化不同人民各異何緣越國踰限就此徵求宜
可即還從茲永絕其使聞已便作是念今此太子稟
性剛犷意欲違盟令我空返我等今者可就大蓮華
而為徵索既見王已還敕依舊徵收太子却歸還逢
此使如前徵索不止太子告曰我已發遣何得尙留
即還為善若不去者必加嚴罰諸人懷懼相率俱還
至國具奏王知其影勝太子為人犷暴違盟負信不
受徵科幸願大王早為先策如其不爾恐招後患時
王即以伽他答使臣曰

樹木在萌芽 爪甲便能斷 扶疎大連抱
斤斧莫能摧

爾時央伽王大怒便發使致書大蓮華王曰影勝逆命緊頸送來若不然者我當自往就彼屠戮宜知朕意蓮華聞已君臣恐懼憂亡國便召影勝實其遠拒并遣與書影勝白言彼是利利灌頂王我國亦是利利灌頂王境界各殊何緣供稅唯願大王與我四兵自共對決時蓮華王即自思忖知其影勝堪謀大事遂乃復書央伽王曰辱書期迫影勝仍令緊頸馳送將來但我此子欲令紹繼先王嚴告雖加未敢從命大王必欲雄力掩覆猛氣相陵廣野列兵唯知待罪央伽披奏忿怒非常便敕合國徵兵鍊磨器械我將親往破滅蓮華誅斬影勝遂興萬眾千軍兵馬騰輿旌旗蔽地鐘鼓聒天直入摩揭陀國時蓮華大怖即召影勝付授四兵于時太子既受王教率大臣子而宣令曰央伽與國宿讎我今報復竄賊入境佇濟嘉謀汝等世積功勳受國恩寵何方助我破賊安人答曰某等雖無計略敢竭股肱侍從太子爾時影勝說他日

治國養黎人 應當善守護 為他所侵奪

萬姓失歸依

是時太子告諸人曰汝等同心共力衛護於我作是語已號令三軍兵馬咸發時大蓮華王登高樓上與諸侍衛前後圍遠觀望軍眾謂諸臣曰此是誰兵答曰此是影勝太子兵王曰汝等應知兵眾甚大宜可號為兵眾影勝其中或稱此是大梯影勝如是種種歎美太子威德盛相

爾時太子告諸人曰吾聞善戰者不勞軍陣今央伽王有大兵馬其數甚多不可爭鋒致傷我眾權謀秘決擒獲為先即募驍雄伺其無備遂殺央伽三軍六師一時退散爰整兵士逐北前臨彼國之人不知王死安城固守時影勝太子即令鎖彼王頭示於城內仍宣令曰此是汝國央伽王頭汝等可急開門若不爾者同時喪命眾聞大怖即為開門諸有大臣繫頸歸款所有百姓無不順伏是時影勝太子既入城已遣使聞奏還白父王幸承大王威嚴臣人盡力央伽逆命今已斬除合境無虞遠安邇肅蓮華聞已慶悅無量即以種種衣服瓔珞嚴身之具及七寶寶送與



又經文

世部下經說

影勝即便令彼占波為王以代央伽其國百姓因共
 號為影勝大王後時聖德神功通被幽顯人民豐樂
 寢賊屏除威德嘉聲流布遐邇後於異時蓮華王崩
 摩揭陀國諸群臣等告哀請還統治本國是時影勝
 即以占波國事付彼舊臣嚴駕星馳赴哀歸國服制
 既畢紹繼父王以法化人風調雨順百穀豐熟兆庶
 又安立德轉高隣國慕化無諸怨賊爾時中方有一
 婆羅門子欲學法術遍行諸處漸至南方其南天竺
 有大婆羅門名曰地師善明四論世號大師即便詣
 彼師所頂禮其足叉手白言我於師所為弟子禮彼
 即問曰欲何所學答曰我今學四明大論師曰任隨
 所學即便學諸事法婆羅門法每月三日諸事皆悉
 不作或時洗浴或入城市或火中燒木既到是日諸
 婆羅門子共往取木欲燒隨路而去便即相問種姓
 生處犢子等四姓隨一而說復相問言汝是何方一
 即說言我是東方或有說言我是南方或有說言我
 是西方或有說言我是北方復作是言彼諸國土我
 悉見聞即伽他曰

智慧出東方 兩舌在西國 敬順生南國
 惡口居北方

婆羅門子等作如是言諸處悉知不知中國如何諸
 弟子等詰其師曰鄔波馱耶我今欲往中國見彼國
 土復欲於彼水中洗浴承事參禮彼方諸師彼國論
 師我欲伏之我等名稱必遠知聞多獲珍財而為利
 益彼婆羅門於弟子處甚生愛念所有衣物分給弟
 子資緣既辦共往中國隨路而行或有諸餘智人來
 者與其言論悉皆得勝或有得服以瓶盛灰打其頭
 上或有諸人來學騎術弓箭戰具咸悉教之或有諸
 人以香華等幢幡寶蓋而來迎之復有無量諸人皆
 悉來至而師事之漸漸遊行所經諸國城邑村落悉
 皆得勝方至中國時婆羅門作是念曰我聞諸有智
 人並在王門我等今日亦應往彼而當伏之猶如何
 等譬如大樹根及枝葉我所經諸處論議得勝者猶
 如枝葉若於王邊而得勝者猶如樹根我今宜往王
 所即便往去既至其所祝願王曰長壽無諸災障立
 住一面而白王言我於師所承得少多學問願欲與

王國內諸師共爲談論王卽告曰任自隨意王又告諸臣曰我此國中有如是婆羅門能與彼人論議不諸臣答曰有那羅村中婆羅門解四明論智慧如火彼自造論題名摩吒羅王曰喚彼耶波馱耶來大臣王命請王王所同前呪願王卽告曰汝能與彼婆羅門於我前論議不彼答曰承王威命盡其力能敢爲酬對當卽依法作曼荼羅兩邊施座王卽敕曰誰當先與大臣答曰客婆羅門名曰地師可令先首彼既先與誦五百頌已便住默然時摩吒羅覆誦其頌出多過失卽便告言其誦言義甚不相當不合道理地師聞已卽默然無所言說論議之法默然不答便是墮負王告臣曰誰爲得勝誰是不如大臣答言摩吒囉論議得勝其王心悅作如是言我國界內亦有如是聰明大智慧人王問耶波馱耶住何聚落落答曰那羅村王卽賞賜那羅村任汝受用世人常法悉欲求樂有諸婆羅門女比求夫婿竟未能得時摩吒羅便於自類取妻共住歡娛不久乃生一子廣爲設會其子體長便與立字名爲長體以種種供給養育漸

有餘

漸長大教其藝業所謂筆計手印婆羅門行洗淨取灰取土讚歎四聲陀書祭祀讀誦施受六種悉得成就後於異時復誕一女其女眼目如鸚鵡鳥諸親會集建立名字號爲鸚鵡其女養育漸長成已父教文字論義之法後於異時共兄論義互相擊難妹得勝時父告子言汝是男子被女論勝我若無後所有受用必輸失他於後有南天竺國有婆羅門童子名曰底沙善明無後世論爲求法故從南方來至摩吒羅所禮其足已自言大師我欲於耶波馱耶處學問問曰欲學何藝自言欲學無後世論報曰任汝所作既受法已若放學時論說之事如前廣說其童子底沙後在王前共師論各立兩宗此摩吒羅最爲年尊可應先舉其摩吒囉便作是念彼婆羅門子新學論成恐難不得今應捉彼錯處作是念已時摩吒囉卽先舉出長五百頌彼婆羅門子復頌答已便捉過失此是非言此言非類此說不可彼遂默然而住凡論難不如無言答者是爲墮負于時國王問大臣曰此誰得勝臣白王曰底沙婆羅門爲勝時王告言勝者賜

其村邑時諸大臣前白王言若來論難得勝即賜村邑其摩揭陀國不久總盡應取摩吒囉村與彼受用時王皆言如是即奪摩吒囉受用所封與彼底沙其摩吒囉即命妻曰賢首宜速裝束往詣餘方其妻問曰何故時夫答言我久承事國王今論難之時不護於我奪我村邑其妻裝束欲去時諸親族既聞此事即來問曰鄔波馱耶何故裝束答言我久承事國王論難之時不護於我是故餘去親族報言此住甚好於親族中請住於此彼即頌曰

本國被人欺 外國住最勝 不被欺之處 是本國親族

時底沙之羅門聞已報言鄔波馱耶我是客人愛住即去其邑受用還當相與時摩吒囉雖蒙恩惠亦不肯住底沙又言且宜住此分取半邑我亦取半報曰善哉摩吒囉即命妻曰賢首我久承事國王不護於我今底沙極大恩造與我半邑我以此女與彼為妻妻曰待長子俱瑟耻羅其父即命子曰我久事王於論難時不能護我此底沙婆羅門有大恩惠分半邑

與我今嫁舍利與彼為妻子白父言此之底沙是父怨讎奪邑將去豈合為親父便報曰汝是愚癡無所識知父母正意子不致違即依禮法嫁女與彼底沙時俱瑟耻羅便作是念我今被欺但由少學寡聞然此底沙婆羅門為解無後世論今時得勝我亦應學作是念已即問諸人何處方國明解無後世論有人報曰南方最善彼即漸次而行至南天竺遍問國內誰明無後世論有人報曰某甲梵志彼既聞已即詣梵志處自言尊者我欲事仁為師願哀納受彼師即問言欲求何事答曰欲學無後世論梵志報言我不教授俗人居士彼即答言若如是者我今出家梵志即與出家便自要期我若不解此論者終不剪爪爪既漸長時人皆號長爪梵志于時舍利與底沙婆羅門歡娛欲樂時有淨天久種善根當受最後身不樂生死專求涅槃不求後有持最後身從淨天沒便於舍利腹中受胎當受胎時其母夢有人持炬入已腹中復登大山騰在虛空又見大眾而禮已身是時舍利於夢覺已即向夫說如是等夢其底沙婆羅門雖

解夢書不閑此事即往明解夢書婆羅門處說言我
妻昨夜作如是夢彼即答言其夢甚善婆羅門記曰
當生善子年至十四即能善誦天帝等論復於一切
論難問答得爲最勝所言登大山騰虛空衆禮等者
當得出家有大威德成就大戒天人所敬作是記已
後於異時底沙婆羅門而與舍利論難舍利得勝時
底沙作如是念昔時論難我已得勝今時不如此有
何緣復作是念此應由胎是彼威德乃於後時十月
滿足生一男子形貌端嚴色相具足身紫金色頂圓
若蓋垂手過膝額廣平正鼻高脩直廣說如餘乃至
宗親集會欲與立字當作何名父曰此兒宜可將詣
外翁當與立字既至翁處白言大翁此子當立何字
其翁告曰既是底沙之子宜可名爲鄔波底沙使將
兒還底沙問曰子立何名報曰名爲鄔波底沙子時
底沙便作是念此子既與父族爲名我今更與母族
爲字名舍利子時人或云舍利子或云鄔波底沙即
以孩兒付八乳母時母養育以上乳酪及以醍醐而
供給之速得長成如蓮出水既漸長大令修學業世

間技藝悉皆通達四薛陀論總蘊在懷至年十六善
解帝釋聲明能伏他論後於異時遂於父前誦薛陀
等論子白父言向所誦者是何義趣父曰我今不知
答曰此所誦者是古昔仙人所作讚誦時人雖不知
義仙人讚頌非無義理其舍利子學既勝於諸人其
父先有五百弟子悉歸舍利子爾時舍利子教諸弟
子所有明論無不周悉
爾時林圍聚落有一大臣名曰形影於此而住大富
多財受用豐足娶妻雖久了無子息常希男子在處
祈求所有山林樹神無不祈請如是廣說時有最後
生人從天沒已來託母腹廣說如上既誕子已廣設
親會欲立名字諸人報言既是天抱將來可名天抱
亦名目乾連時彼長者即以孩兒付八乳母養育長
成如蓮出水乃至廣說六種法事四薛陀論悉皆通
達時彼天抱教五百弟子學罷之時五百弟子誦讚
入城其鄔波底沙諸弟子等亦誦讚入城爾時底沙
弟子報目連弟子曰仁等何故錯誦論文彼問如何
復問仁等於何處學答曰我之師主猶如日月具一

切智在林園聚落有大臣子名目乾連我於彼學部
波底沙弟子學問具足無有畏懼情懷喜悅即往親
教師邊師既見來問曰何故喜悅答言無事師即以
頌曰

所有內情意 亦應准可知 以聲色根形

知隱不可得

說是頌已告弟子曰必應有事時諸弟子以緣具說
師即報曰彼所誦者是我迴文並皆不錯弟子聞已
默而不喜

爾時目乾連弟子等往詣師處悉皆不喜師見問曰
何故不樂答曰無事師即報言必應有事何故不說
是時弟子以緣具說師言彼所誦者然彼師主聰明
智慧所是長論短論促文引文極甚巧妙爾時二師
互相知聞欲求相見時師波底沙詣其父所自言我
欲覽往林園聚落父問何故答言彼有大臣名曰形
影有子名爲俱哩多我欲相見父曰彼人智慧可勝
於汝子報父曰智慧不勝然彼大富多財衆人歎美
時師波底沙說伽他曰

年長是爲尊 多財人亦尊 若有多聞者
咸共尊承事

父聞子語而告子曰彼若來此當可教授不應往就
時俱哩多詣父自言我欲往那刺陀聚落父言何故
子白父言彼有婆羅門名曰底沙有子名師波底沙
欲往相見父告子曰彼富於汝子言不富於我然彼
智慧勝於我故時俱哩多說伽他曰

年長是爲尊 多聞人亦尊 若有多財者

咸共尊承事

父告子曰彼若來此應與財物不應往就後於異時
王舍城中有大節會時王常法或自往詣或使太子
王有別緣不獲自出即遣太子未生怨去出城遊戲
于時形影聞太子出遊便作是念影勝王死未生太
子當繼王位我俱哩多承事爲臣作是念已而告子
曰汝可往彼遊戲之處安四高座所爲王座大臣座
音聲座婆羅門座復告子曰汝宜於大臣座上坐聞
父語已即詣往坐是時底沙亦聞影勝王遣太子出
城遊戲即告子曰汝應往彼看四高座汝將瓶鉢及

以錫杖置第三座汝於第四高座上坐日出日沒所有論師非與汝等子聞依教即詣往坐時諸人等種種音樂歌詠讚歎鄔波底沙默然而住諸人見已各相謂曰此人必應大愚非愚大智所以默然時諸音樂悉皆停住于時俱哩多問鄔波底沙曰汝見音樂歌詠人不答曰我整內觀不見斯事報曰不見耳可不聞鄔波底沙以伽他答曰

死皮筋作樂 令衆有歡喜 無常急若輪 智者知非樂

時俱哩多及以衆人聞說頌已便即問曰汝是鄔波底沙不報曰大衆當知我是鄔波底沙即問俱哩多曰汝見如上音樂等不答曰不見又復報曰汝食內觀耳可不聞時俱哩多以伽他答曰

一切瓔珞等 莊嚴身受重 作憊動形軀 皆是虛誑攝 歌詠作戲者 譬如號叫聲 此等皆無常 思之有何樂

爾時鄔波底沙告言汝是俱哩多耶衆人答曰如是鄔波底沙報曰我爲汝來共汝出家俱哩多答曰所

爲諸祭祀及祭祀火神求福修苦行斯其果報皆在手中家是大臣之種我常乘象何爲出家爾時鄔波底沙說伽他曰

樹若欲倒時 枝葉不相濟 死時亦如是 受用不能救

爾時鄔波底沙說伽他已告曰仁來同共出家答曰我問父母告言好去如是語時此俱哩多即至父所白言願我放我清信出家從家出家其父告曰所爲諸祭祀及祭火神法求苦修行所得果報汝今已獲復是大臣之子乘象之士當作大臣何爲出家時俱哩多即於父前說伽他曰

寧於林內樹皮衣 共獸同居食諸果 不緣國事禁閑縛 智者不爲恐懼事

父聞頌已告曰唯汝一子如初月輪愛之若此如前廣說凡是兒子皆依父母志願不移從汝出家既蒙許已于時同侶咸並到來時俱哩多即發勝心策勵身意往那刺陀村其鄔波底沙常樂寂靜在阿蘭若處願諸弟子有五百人令誦梵靜神呪時俱哩多漸

次而行至那刺陀聚落問諸人曰鄔波底沙今在何處村人答曰今在阿蘭若處領五百衆誦梵靜神呪時俱哩多即往阿蘭若處既相見已報鄔波底沙曰出家之事今正是時鄔波底沙曰仁得父命放出家耶答曰得也鄔波底沙語俱哩多曰仁今暫住我亦問父令我出家不俱哩多曰仁今去問何時得來答曰暫去即來鄔波底沙至父母處白父母曰今有啓請願垂哀愍我意欲求清淨出家父母報曰甚爲善事如汝所願任汝出家爾時鄔波底沙還至俱哩多處白言俱哩多父母已聽來共出家又問衆人汝等父母放出不衆人答曰已聽時俱哩多曰我問父母已淹日月仁作何計來去速還答曰汝家因緣厚重牢禁所以來遲我家累輕是故來早非但今日乃至五百生來曾已出家又常發願願當生處非貴非賤處中而生緣此縛輕所以來速時俱哩多告衆人曰我宗高貴今欲出家豈得隨宜共往王城問諸淨梵于時六師外道在彼城中皆悉自謂俱得神通自在無礙其鄔波底沙俱哩多等即問六師脯刺擊曰

行何法眼習何教法復得何果若持梵行獲何殊勝彼師答曰我如是見我如是說無與無愛無見無祭祀無善行無惡行無善惡業報異熟果無今世無後世無父無母無化生有情世間無阿羅漢正行正成就若見此世後世者於此自法證明神通說得圓成我生已盡梵行已立所作已辦不受後有唯受此生斷後世有命終即壞四大共成假爲人身是命斷時四大各歸本處第五空界諸根即轉將此死屍於林間焚燒既變爲灰骸骨鴿色即無人也乃知了已智者行施及受施者所是說有之人悉空妄說虛叫之言並皆愚夫若是智者了俱斷壞知無後身爾時俱哩多及鄔波底沙作如是念此師住於非道行於非智仁者不應隨彼而學修行險道說伽他曰

邪解非善說 情樂下劣法 善教若如是
非法當云何

說是語已當知彼是如擊空器擊已而去次詣末鞞利瞿闍離子處白言仁者行何法眼習何教法復得何果若持梵行獲何殊勝答曰我如是說如是見無

因無緣有情受苦無因無緣得淨不由因緣自然得淨無因無緣有情無智慧無見無因無緣有情自然智念有見無力無精進無丈夫無世力無我形無他形無我作無他作一切有情一切有命一切有類無處無居無觀決定正道有情歸依苦樂覺悟所謂六道衆生時俱哩多及鄔底波沙作如是念此師住於非道衆於邪道智者遠離此是峻道如是知已說伽他曰

邪解非善說 情樂下劣法 正法若如此 非法當云何

作是語已如擊空器知非而去次往珊瑚逝移毗刺知子處白言仁者行何法眼習何教法復得何果有何殊勝修何梵行答言摩納婆我於此處作如是見作如是說汝應如是爲殺命故應如是作及教他作應以自燒及命他燒斫截害等亦如是作不與應取於欲應行妄語應作酒等應飲多積人山利刀應殺應剝爲聚如是種種殺害無有罪業亦無有報於恒河南岸種種殺生於北種種設會祭祀無罪無福若行布施持戒精進等法及以四攝如不作者得大果報

爾時俱哩多鄔底波沙共相謂曰此說非理並是那教應當恐怖智者遠離作是語已說伽他曰

邪解非善說 情樂下劣法 正法既如是 非法當云何

作是語已如擊空器捨之而去次詣阿市多雞舍甘跋羅子處白言仁者行何法眼作何教示有何殊勝修何梵行復得何果彼便答曰摩納婆我有如是見如是說復有七身何等爲七所謂地水火風苦樂及命彼皆無作無所作無化所化無有損害積聚安住猶如木梢更互相持彼皆不生無變易故至不相害若福若罪若以罪福若苦若樂若以苦樂於彼七中誰是丈夫能相殺害能殺所殺皆無主宰不壞世間命於六身所斲而住與六爲主終無損害於中亦無能相害者亦無鬪諍無有悟者亦無發悟亦無憶念無有省者亦無表者無表示者凡有一萬四千六百發趣度門以爲上首復有五業三是應作二是所作亦有全業亦有半業六萬四千觀屬六十中劫一百三十那刺迦諸根復有一百三十六病界四萬九千

卷之三

龍眷屬四萬九千妙翅鳥四萬九千尼健子眷屬四萬九千外道眷屬七有名劫七無名劫七阿蘇羅世七毗舍遮世七天屠七人間七大池七小池七大夢七百小夢七大顛坑七百小顛坑七大悟七百小悟六端嚴生十增長以大丈夫此是八萬四千大劫於中愚夫智者莫不流轉已而得苦盡然始解脫譬如以線纏繫重物從高墜下而轉線盡愚夫智者亦復如是經於八萬四千劫中流轉生死至劫終已而得解脫於中若沙門婆羅門能作如是語我以此禁戒勤苦修梵行未成熟者令成熟其成熟者苦盡獲果作此說者無有是處然苦樂當住無有增減不可得知我如是說了知生死是實不虛作此說已時俱哩多及鄔波底沙咸作是念然此教師住於非道猶如險路智者應當遠離於彼作是念已說伽他曰

邪解非善說 情樂下劣法 正法既如是
非法當云何

說是頌已如擊空器等廣說如前次詣呢揭爛陀子處白言仁者行何法眼作何教示有何殊勝有何梵

行復得何果答曰我如是見我如是說一切有情所受果報皆由宿業過去惡業今修梵行而得苦盡今修善業因緣獲果更不造惡當得漏盡漏既盡已苦業俱盡苦果既盡得至邊際爾時俱哩多鄔波底沙聞是語已便作是念此師說者亦住非道猶如險道智者應離說伽他曰

邪解非善說 情樂下劣法 正法既如是
非法當云何

說是頌已如擊空器等廣如前說便即捨去

根本說一切有部毗奈耶出家事卷第一
丙午歲高麗國大藏都監奉
敕雕造

根本說一切有部毗奈耶出家事卷第二 (麗綺)
大唐三藏義淨奉 制譯

此有度舍利目連緣
爾時有教師名曰珊逝移即便詣彼問諸人曰此教

師何處宴坐其教師先在房中聞是語已便作是念我久在此不聞說此宴坐之語時俱哩多等復作是念彼人宴坐我等不應輒令起動待坐起已即應相見作是念已便隱屏處爾時珊逝移從宴坐起諸根清淨彼二知已即便詣彼白言仁者有何法眼作何教示有何殊勝修何梵行復得何果答曰我如是見我如是說實不妄語不害衆生常生不死不墮不滅當生二梵天爾時彼二問曰所說何義答曰不妄語者名爲出家不害生者與一切法以爲根本常生不死不墮不滅等處是爲涅槃生二梵者諸婆羅門等所修梵行皆求彼處聞是語已白言尊者願與我等攝受出家修行梵行俱與彼二人出家既出家已四遠皆聞俱哩多等於珊逝移處而得出家于時珊逝移多獲利養卽作是念我昔族望僑陳種姓今時亦爲僑陳種姓今獲利養莫不由彼二人福德非我福故作是念已時珊逝移先有五百弟子常教論典卽命彼二各領二百五十弟子受其教法時珊逝移便染時思時鄒波底沙告俱哩多曰師今染患

汝求醫藥爲看侍耶答曰仁有智慧宜應看侍我當求藥時俱哩多求得諸藥根莖華等與師服其病轉加于時教師即便微笑底沙白言大人無緣必不應笑師今微笑有何因緣師便告曰如汝所言我向所笑金洲有王名曰金主命終欲焚其妻悲慟亦自焚身衆生愚癡由慾所牽欲情染故受斯苦惱鄒波底沙白言何年日月有如是事答曰某年月日及時節其二弟子卽便錄記又白師曰我所出家求斷生死師既獲已願今教我得斷生死師卽答言我意出家亦求此事如汝所謂我不獲得然十五日褒瀨陀時有諸天衆在於虛空作如是語於釋種中有童子生於雪山所有河名曰分路於彼河側有劫比羅仙人住處有婆羅門善解天文及能占相彼記童子當作轉輪聖王彼若出家當證如來應正等覺名聞十方告弟子曰汝等於彼教中出家修持梵行不應自持族種尊高應修梵行調伏諸根汝等於彼當得妙果不受生死說先語已而說伽他曰

積聚皆消散 崇高必墮落 會合終別離

有命咸歸死

爾時教師不久命終諸弟子等以青黃赤白繒綵纒已將向林中以禮焚訖于時金洲有婆羅門名曰金髮從彼來至王舍城中到鄔波底沙處時鄔波底沙問汝從何來答曰從金洲來汝彼曾見希有事不答曰不見餘事然金主王命終焚燒其妻悲念亦自焚身便即問曰何年日月答曰某年月日及以時節其鄔波底沙自檢私記誠如師言時俱哩多告鄔波底沙曰我之教師已證妙法然師祕法不教我等師若不證天耳法眼寧知他方有如是事時俱哩多便作是念鄔波底沙聰明智慧於教師處應得妙法不教於我作是念已便即告曰共立誓言若先證得上妙法者應相度脫作是誓已俱遊人間

爾時菩薩年二十九欲在王宮受五欲樂既見生老病死心生厭離中夜踰城往詣竹林數六年苦行都無所獲隨意喘息便飡美味乳酪等食酥油塗身以香湯浴便即往詣軍營聚落受歡喜歡喜力二牧牛女十六倍乳糜菩薩食已時有黑色龍王讚言善哉復

有一人名曰常住住授與菩薩吉祥草已即詣菩提樹下自敷斯草其草不亂便即右旋於此草上結跏趺坐端身正念便即發要期之心我若諸漏不盡終不起于此座

爾時菩薩應未證悟便即降伏三十六萬俱胝惡魔其魔各有百千鬼神眷屬爾時菩薩以慈鏡伏降伏魔已便證無上正等菩提時有梵天來請世尊於波羅屍斯三轉法輪時會聽者有大臣子五十餘人既聞法已並請出家及受近圓

爾時世尊復詣聚落名曰毘林有六十人同為善伴聞佛說已便得正信復詣聚落名曰軍住其聚落主有二女人一字難陀二名難陀波羅聞佛說法同前正信復有一池名憂樓煩螺其處有一大仙名曰迦攝并諸弟子一千人俱聞佛說法咸請出家及受近圓佛到伽耶頂制底所有伽耶迦攝示現三種神變事已遂令迦攝住園寂處後往杖林令摩揭陀主影勝大王得見真諦與八萬天衆及摩揭陀國婆羅門居士至王舍城住於竹林

爾時世尊在竹林園羯蘭鉢迦池側時鄔波底沙與俱哩多遊行人間至王舍城乃見城中寂靜便作是念有二事因令彼大城得寂靜住或為有他恐怖或緣有大威德沙門婆羅門作是念已即行觀星無他恐怖面點三畫漸次遊從復有無量百千萬人隨後而去後於異時面粧畫已漸次遊從隨後無有一人便作是念我先遊從乃有無量百千人眾隨從今無一人是事云何爾時諸佛常法如餘佛即作念此異學人一名地師一名拘哩多已於過去諸佛之所多種善根久修福業猶如熟腫時節若熟逢緣發破即得除愈此人根熟今正是時佛又觀其根器云何得度復於誰處而得有緣觀知此人當於具足律儀人所而得發心世尊即令馬勝苾芻往彼而度時馬勝苾芻威儀庠序諸天人眾見者發心佛告馬勝汝可攝受二人既受教已歡喜默然頂禮佛足便即往去爾時馬勝至明食時著衣持鉢入王舍城次第乞食威儀庠序顧若牛王時鄔波底沙梵志出遊乃見尊者馬勝威儀具足與世希奇歎未曾有于時鄔波底

沙便作是念所有城中諸出家者非與此等我應問彼誰邊出家所學何法教師是誰作是念已便往近路而候尊者于時尊者從彼而來鄔波底沙見已便即問曰誰是汝師所學何法誰邊出家馬勝答言我之大師是釋迦種沙門喬答摩今證無上正等菩提彼是我師我依於彼剃除鬚髮而為出家修行梵行讀誦教法爾時鄔波底沙告言具壽願與我說令我得聞馬勝報曰如來教法甚深微妙難解難知我近出家不能廣說然我今者不能記文略說其義底沙告曰願說其義爾時馬勝便以伽他而告之曰

請法從緣起 如來說是因 彼法因緣盡 是大沙門說

說是頌已時鄔波底沙即便離垢證得法眼法中之眼得見法已心無疑惑情無畏懼忽便起立恭敬合掌作如是言此是我師此是正法住此法者更不墜墮是無憂處我從無量曠大劫來未曾聞此甚深要法即告具壽大師世尊今在何處答曰我之太師在王舍城羯蘭鉢迦池側時鄔波底沙聞是語已歡喜